



拙翁集

共五本

~ 16
2418
2



2418
5-2



拙翁集卷之三



五言絕句

廣寧城外

野水連天遠長林匝岸齊
波心驢影亂人度小橋西

向清聖祠將渡灤河舟人索扇

萬古清風在盈盈一水間
舟人休索扇我向採薇山

聞市聲

喧啾午來甚市中
爭利者所爭問幾何
高下兩論

價

見中樞府朝報戲吟

中樞真草草朝報數行書猶勝山中客時聞衆鬧
餘

遼塞次朴使韻

去路天之北歸心海以東遙知故山裏秋晚桂花
叢

次松江韻

君居竹西村我在終南下莫作逋遐看幽襟兩未
寫

洪文應善公韻

每笑潘郎小秋來惱却秋今朝秋氣冷悲到自登
樓

諫院契軸

獻言寧厭謹開蘊最宜真莫逆一樽酒有如我輩
人

次用安驛東軒韻

回頭望北日持節向南時驛路西風急一鞭信所
走

榮川下峴偶吟

穩坐松陰下身如脫世間簿書翻晚我無面對青

山
次金海東軒 高祖韻

山色古來碧林花幾度紅風烟非作意悽感自由

中
三义與七點襟帶一樓紅笙鶴時時咽雲窓縹緲

次機張東軒韻

春
孤城臨海地隻影倚樓人客裏又花落無情昨日

次金海 高祖韻

東窓今曙旭應是替時紅紅去紅來處天機袞袞

中
通道寺

塵土元無暇烟霞本占閑洗心聞寫水拭目見青

山
次寶上人軸韻

雲固舒而卷月於滿後虧問揮揮不語兀坐夜分

時
次海印雪峻軸

影并雲外鶴衣濕
樹頭嵐靜裏
論經罷中宵月滿潭

機張東軒韻

雲海空留影
風霜不貸人
看花十年事
歷歷夢中春

次梁山板上韻贈崔泂崔澣諸弟

縫掖當時伴
深盟久未寒
相逢猶舊意
莫作別人看

見李君綏書仍次絕句韻

昔見憑魂夢
相思未奮飛
言來更撫玩
君淚此中揮

揮

七言絕句

道東旅舍

旅館淹留今五日
故園迢遞幾千山
天涯情緒知多少
雙鬢今朝箇箇斑

漁陽橋

漁陽城外長橋畔
曾起驕兒汗馬塵
若遣曲江言見採
蕭門人作太平人

昌黎縣

人去江都世絕聲
昌黎巨擘以文鳴
一篇原道光

猶燁示必茲山自指名

通州

通州城下大堤隈
盡閣玲瓏面面開
賣餅市連沽酒處
捲簾時復喚人來
海戍遙連長短亭
高帆無數簇沙汀
舟中儻有金陵客
欲問鍾山踞扇形

夷齊廟

山斗門闌炯炯新
雲霄形像露精神
澗邊薇蕨今猶在
應待千年更有人
空山餓死曾誰怨
志在求仁竟得仁
賜也當時猶

錯見謾將清聖擬何人

將入都門

長安信美非吾土
今入都門始展眉
嘿數故園歸去日
梅花初發向南枝

三河館

為問村鷄鳴幾何
風窓此夜若為過
四千里路嘗艱苦
偏向三河館裏多

平山道中遙見葱秀山

終朝馬上昏昏甚
和睡山川不記名
忽見葱山依舊秀
雙眸還與遠峯青

中和生陽館

風擺長林樹影斜使君家似野人家山城八月秋
先冷淝露層崖菊自花

次亞使韻戲吟

西都妙質盡新眉北路行人瘦盡肌三百刻中長
起念莫言無日不相思

近都門度長川

晴川林外浸紅霞一帶流從太液波自此天門知
不遠珠樓處處沸笙歌

昌黎山

平生每想韓山斗自許猶能類聖人今日昌黎山
下過不堪回首久凝神

九月初八日三义河口偶吟

行裝草草古河頭疎柳殘烟照晚秋佳節重陽明
日是菊花何處對金甌

向漁陽

行到漁陽自駐驂微茫烟樹鎖東南關河十月天
猶暖應遣行人盡意探

沙嶺途中

胡山索莫胡天遠白草蕭蕭隱晚暉極目平原人

不見飢鴉時向遠村飛

夜聞賣糖人聲

霜侵雙鬢病侵身萬里風沙味苦辛人世勞生非
一事夜深猶有賣糖人

曉卧玉河館聞喝道聲戲吟

萬里乘槎猶穩卧三更喝道彼何人兩邊甘苦寧
須問箸絃牢纏一搯身

榆關

萬古榆關風雨罷幾番蝸角幾人爭汗馬將軍曾
踏盡只今牆外小山平

山海別居傳

同說乾坤我二人一場談笑即情親臨歧又起分
離恨落木蕭蕭北海濱

山海關次朴使韻

長亭纔過短亭連無數山河擁北燕虜膽欲寒門
鎖壯軍中儻有范韓賢

路河次前韻

揚子波通一帶連萬方都會此幽燕若為遡得江
流去遺蹟窮探古聖賢

燕路

欲遣羈愁詩作課
滿勝羸疾酒猶傳
行行日日辛
勤甚幾度西方長短亭

清聖詞

清風孤竹幾千春
桐宇雲霄炳炳新
堪笑張公未
解事尊賢猶待夢
帶人

坐玉河外麻闊墻外笑語聲

玉河孤館鎖重門
窸落風簾回欲昏
墻外有聲來
入耳酒樓何處笑
談噓

通州

平原斷處忽江流
粉堞微茫止有樓
都會萬方

此地山河無數擁神州

題朝天錄

足跡已行天下半
形容今縮海東邊
披來舊錄心
飛動燕路三千尚宛然

聽松書屏

窮甚吾家後有餘
風廊猶有聽松書
精神養得林
泉裏收拾烟霞一半舒

葡桃畫屏

名韉奔走已多年
病渴沉綿藥未痊
畫裏葡桃猶
有液看來聊可口生涎

病中夜吟

昨夜沉眠今未眠
睡魔來去一何偏
尺綠病裏真元弱
開闔極機握未專

病中朝卧

朝日照窓兒子語
厨烟初起鳥初煎
病夫夢覺猶堅卧
強擁重衾苦索眠

禧陵路中

朝暉向暖雪初消
第一春心著柳條
融盡澗冰分片片
潛魚洄沫動鱗鱗

牛峯族人洪春良氏來訪

牛峯有族來相見
說道明朝應點軍
同姓此身何似者
續貂官秩尚青雲
聞說孱居峽裏村
索租官吏日敲門
居人若問公家世
須道麗朝定孫

舊友來訪

兒童顛倒忽來傳
門巷今臨玉署仙
邂逅一場猶面目
當時談笑尚依然
同舟西浦衣霜浪
攜手東湖夜踏冰
舊事忽隨雲幻盡
只今惟許夢魂憑

折簡索臘藥戲吟

平生不喜索諸人藥物唯開濟病身我簡不堪吾
手與扣門何處小兒墮
衛生為計未全疎臨臘還成數幅書要活世間人
性命不須專我不專渠

早春江頭贈別吳景瑞

殘雪江頭惜別離相攜一一瀉心期停杯更問歸
來日須及江花未吐時

江村暮雨即事

雲黑前山雨意驕漁郎促棹木蘭橈衝泥白鳥猶
嫌汚洗翅斜陽犯晚潮

牛峯有族來相見說道明朝應點軍同姓此身何
似者續貂官秩尚青雲
聞說孱居峽裏村索租官吏日敲門居人若問公
家世須道麗朝忠定孫

舊友來訪

兒童顛倒忽來傳門巷今臨玉署仙邂逅一場猶
面目當時談笑尚依然
同舟西浦衣霜浪攜手東湖夜踏冰舊事忽隨雲
幻盡只今惟許夢魂憑

折簡索臘藥戲吟

平生不喜索諸人藥物唯開濟病身裁簡不堪吾
手與扣門何處小兒墮
衛生為計未全疎臨臘還成數幅書要活世間人
性命不須專我不專渠

早春江頭贈別具景瑞

殘雪江頭惜別離相攜一一瀉心期停杯更問歸
來日須及江花未吐時

江村暮雨即事

雲黑前山雨意騰漁郎促棹木蘭桡銜泥白鳥猶
嫌汚洗翅斜陽犯晚潮

贈別友人赴外

行塵纔起又行塵多事人間惜別頻辛苦灞陵橋
上柳殘枝折盡不成春

元日

月正元日屬回春天地中間物候新立脚正須加
一等前頭休作去年人

在洛中次江陵珍富驛先世韻

有客東來說驛亭君家累世踵斯庭臨風嘆息未
歸去為問巖松幾許青

寄亭於我是思亭陟降依倚在此庭魂夢每從關

外去松風不斷數峯青

廣州東軒韻

薄書當夜最嫌多官燭生花眼眩花瓣了惺惚歌
枕卧天遊一味夢南華

利川東軒韻

長路驅馳自作忙眼添花又髮添霜此身恐被高
人笑為問溪邊有草堂

安城東軒韻

身如老鶴返遼城問到存亡一壠平倚柱三更愁
不寐滿庭寒月為誰明

雲冷前山月滿城老松疎影一庭平此間定有吾
蹤跡欲問遠親証未明

安山東軒韻

冷雲飄雪掠前山一味艱辛在客間何處牛衣茅
屋裏閉窓朝日不知寒

燕歧東軒韻

仲氏奉大
宰此邑

秋晚江城鴈影分叫來天末隔重雲一年南北雁
長枕却恐居人借寇君

公州錦江樓韻

客中風色不宜秋蘆葦風披捲作愁緣渚歸來情

緒動夕陽鳴遠滿江樓

立春生菜

金莖新嫩玉芽齊
排到春盤影欲迷
齒觸甘酸香液溢
不堪春興入蔬畦

病中迎醫戲吟

病來迎却醫師問
說道風寒覘卯申
揖送未終面
先赧烟霞久負故山春

畫竹屏風

兩岸蕭疎曉月圓
夢江烟雨長琅玕
今來小屋圓三面
護得衰翁不作寒

病中畫睡

病骸疲弱坐難強
明到西窓已夕陽
倚壁昏昏纔合眼
分明有夢對羲皇

聞湯藥奚子語戲吟

小奚蕩藥潛相說
底事年年此苦辛
廩祿分來曾汝口
莫將疲病任吾身

移告

人間最是安閑味
堪笑天工巧我遲
移告始爾休
息地故園歸去之何時

病中夜卧未眠

強擁重衾苦索眠擬交雙睫亂心曲心纔動去集
關地了了江湖生遠目

寫懷

白髮三千交幾莖紅塵無數忘簪纓將身愁憶樣
關外波爲江湖箇箇輕

病中夜闌不眠

展轉三更卧未堅愁隨衰病苦無眠青樓舊處張
紅燭長夜歡娛最少年

邊應虛袖通鑑以來

固南作計未全疎袖裏猶藏史氏書寄語少年須

勉力跳丸歲月不饒渠

長安街

長安街上屋簷飛無數香烟漲作輝白馬少年回
勒急黃昏應訪酒樓歸

燕路中追思 先世有感

三千里外馬蕭蕭霜露關山一影飄憶到叢墻如
有見曾從此路向 天朝

通州

秋晚關河漾夕暉商帆無數滿江飛舟中商旅時
相語家在江南久未歸

臺隍隱約枕長流
無數繁華大野頭
三面垂楊香霧裏
家家紅袖凭江樓

嘉平有感

霜落前山木葉鳴
不堪哀淚下露纓
嘉平館裏悄然坐
初見庭墻旋見羹

偶吟

盈虛那得避茲天
天氣炎涼月缺圓
名利古稱非樂事
五湖烟雨最宜舩

休上人詩軸韻

利名場裏動如林
僧在香爐第幾岑
寄語老禪須

省事索吾詩
恐擾渠心

薊州旅舍

蟲聲唧唧自鳴秋
異國風霜便作愁
昨見舍兄書札到
倚門慈母淚長流

七家嶺途中憶亡兄

風急遼山鴈影回
眼花和淚拭難開
去年今日連衾罷
家廟清晨共奠杯

過成學士家

薊門烟月足生涯
太史坊頭學士家
高枕五更真有味
南柯驚夢不須嗟

次書狀韻

關河萍草逐瀾浮百計難容為爾謀行到天西飄
更遠風邊獨立自生愁

十三山旅舍

沙塞初寒病不堪風吹華髮亂毵毵携來孤影虛
堂坐客路秋山映十三

以禧陵獻官回來時憇近曙亭上有負薪老
叟過亭下者戲吟

笑渠亭下負薪行口腹謀來困爾形吾說未終渠
有語問君何事到茲亭

春後寒甚

春後玄冥在自謀寒威欲釋更遲留東君力弱難
為柄小戢陽和讓一頭

春日稍暖

寒勒三冬陰力強却憂無日更春陽今朝暖旭融
殘雪始信天工有弛張

巡廳

薄暮揮鞭趨闕下紛紛白雪點人衣揭來虛閣分
軍罷終夜狂風打板扉

黃孤山筆法屏風

黃孤山筆法屏風

墨池驅出北溟魚云是孤山處士書揮灑當時惟
戲劇繞來堂壁修吾廬

家童折杜鵑花來

家僮作意試東風折取山花點點紅渠意亦憐春
事晚殷勤來報主人翁

靈山舊人朴世身來見

十五年間幾夢思相逢先問舊相知荅云人物渾
非昔老者今亡少者衰
一千里外相思久顏面看來喜欲呼為問青春行
樂處池臺猶似昔年無

兩地中間消息斷南天回首隔千岑寶林往事分
明憶終日看書借樹陰

青眸相視舊容顏往事依稀一夢間記取扶携尋
寺日縈紆石逕細苔斑

禧陵齋堂即事

鳥語初驕柳眼顰和風吹樹報新春虛堂正對山
南面暖旭暉暉正貸人

燕路次相使韻戲吟

莫把幽懷瘦却肌美人今畫鏡中眉楚天長短黃
昏雨應洗悠悠兩地思

分水嶺偶吟

秋冷遼山劍戟尖
滿林紅葉亂毵毵
水分嶺下潺湲響
攪盡羈愁不自堪

灤河

揖向高風一水長
河流萬古自洋洋
問渠那得清如許
來自采薇山下鄉

慈秀山下

烟幕層巒半有無
飛泉一道細縈紆
仙居欲向林間問
却恐茲山是畫圖

隣友李都事惠送芙蓉香

封面書無封裏香
殷勤來自錦衣郎
芙蓉好結閑中約
五柳亭邊一徜徉

黃景文初度日見邀參席

剪綵花明映錦筵
催絃玉盞一聲先
蟠桃休覓三山外
香霧熏邊便是仙

伯顏洞人家曉起有吟

燈殘半壁夢初驚
為問村鷄鳴未鳴
異國風霜今夜苦
他年應記伯顏名

康陵齋堂

喬陵松柏長新枝
風露蕭蕭作許悲
經幄舊臣香

火了寸心惟許曉天知
天上仙遊歲屢移風來宿草冷離披香烟飄盡龍
顏似恍接經帷晝接時
村鷄初唱整冠襟步上齋壇曉月沉閨閣忽開清
淚下看來無見聽無音

次松江韻

書自何來詩自何一封還較萬金多應門僮僕猶
傳說昨暮陰城太守過

竹山族人洪景斗來見

同姓行裝真草草長途底事冒冬寒答云荒僻難

為業斗粟持來為買冠

戲李應堯韻

驚起鴛鴦不作雙清香冷落舊紗窓憑君莫笑吳
郎恨別淚陽臺辨一江

應堯以海西都事適來戲吟

一別今來一念存從他魂去不招魂逢人語到西
方事吃吃喉乾不得言

洪文應善韻

河清聖代千年一佳節人間四月八醉踏薔薇花
影搖香風滿袖興飛越

白麓詠畫韻

殘花弱柳小橋西風送芳樽影欲迷
摸得太平閑氣像婆婆最可醉扶携

庚申夜病中偶吟

兒把笙歌慰病身人言今夜是庚申
非關柳子文章巧老眼難眠坐到晨

詠漢史

霍家人向衛家奔只較炎涼不較恩
一箇任安何似者白頭猶自滯寒門

次陽智清鑑亭韻

人間擾擾闔妍蚩色色稱清鑑小塘渠
最妙分明真態見於斯

用安驛偶吟

古驛蕭條草樹荒透窓清曉一
窗黃花猶解秋

風意虛作東

聞慶東軒韻

唯唯更覺漸休休任彼謀來坐小軒
回首望身曾九折

陝川五里

烟浸春波漾碧衣
樓前休將柳思添

春思江草江花任自然

驅馳嶺即事

兩峽然天石逕危
從藤蘿絕壁
枝行尋崖口從
高下車欲歇時身亦歇

次孝令縣東行韻

三面青山擁作城
黃花丹豔
小頭籬落吾
家似無賴西風動客腸
髮欲蕭疎眼欲昏
向人開口
言簿書惱我喉
仍渴為問湯
存

自孝令向... 路中即事

小婦前行童子後
驅牛老叟立阡頭
西風昨夜寒
霜緊將向山田取次收

次新寧竹亭韻

小閣平臨碧玉流
庭邊時遣野雲留
蕭蕭風露非
人世莫向閑中說客愁

鶴髮披來上翠巖
從他散髮亂毵毵
傷人却笑皇
華使不惜冠巾犯暮嵐

千竿脩竹露精神
臨水流蒼得月新
苦節會看飛
雪日一軒惟自逗長春

三面青山一曲溪
擁籬蒼玉入簷低
幽禽兩兩忽

飛去偏向楓林作意啼

玲瓏畫閣有餘侈水繞庭除竹繞簷解事秋光增

賁飾黃花丹葉一時蕪

依篁小檻引輕寒觸石鳴瀾直作灣莫把琴絃來
奏耳風林爽籟送清歡

永川光風堂韻

清露蕭蕭媚晚秋遙岑影入百層樓中分二水知
何處疑是江南白鷺洲

慶州瞻星臺韻

臺前秋月幾回經古木叢生霧欲冥夜夜碧空月

晰晰者來應之舊時星

東都今日屬南州一笛聲中萬古愁全盛衣冠磨
滅盡青山無語水空流右東軒韻

東軒韻

冷著溪山屬晚秋蕭條樹影入高樓逢人欲問前
朝事只怕千年語謬悠

太平烟月屬官家丹碧樓臺樂事多一髮山光青
未了憑渠為問舊繁華

明月巷韻

興亡言欲問天翁明月依然古巷中樵牧不知當

日恨謾將長笛弄西風

羅朝銅案

羅朝舊物渠猶在百變興亡物自閑鮑石宴安能
記否流傳今日恐無顏

鷄林玉笛

亡國當時玉未碎千年抱恨滯梨園渠猶可惜還
堪笑楚主前頭不肯言

笛廢鳥嶺則無聲云故及之

曾是羅朝第一珍淒涼風月幾回春應媿質委伶
人手飛入紅焰願作塵

笛於壬子年為烈焰所傷幾至破壞故及之

贈月城小童朴麒麟

羅朝臺殿一丘平風露蕭蕭木葉鳴無語山川歸

指點千年陳跡爾能名

愁到風窸入夜深燒殘銀燭不成吟悠悠此意渠

先獲一首詩堪敵萬金

麟之詩中有戀關之語故及之

嶺南方伯先生案

不才持節忝觀風彌月驅馳闕寸功舊譜披來吾

自大姓名聯錄鄭文忠

次延日倚雲亭韻

亭之北有實寶堂舊址

雲水滄茫嶺以東天形更與地形窮賓來出日光
無礙始信陽精本至公

倚雲亭韻

雲山魏業海淵源
國隱高名可與論
白骨朽來天亦老
丹誠猶托未亡魂

嶠南之極海東徬
此地元稱烈士鄉
一片丹心歌更慘
千年白日可爭光

事之南有雲階山亭
之北有東海故及之

次盈德清心軒韻

三面溪山滿眼明
玉窓開盡愜幽情
十年塵土心如醉
半日登臨便作醒

客路方知步步難
離家每憶在家樂
君恩重處覺身輕
閑向江樓聽畫角

薄領前頭不廢詩
江山應許我相知
珠樓欲下趨

起久心緒還如有所思

強向相間掛惡詩
姓名非要後人知
江山一面明如畫
洛下他時費夢思

清河觀海

蓬萊咫尺隔雲海
眼欲窮時意欲追
抱病殘生持節過
神仙應笑我支離

盈德道中觀海

海於天地元稱大
人在堪輿最眇然
只把寸眸窮遠賞
肯中吾欲納淵淵

盈德道中遇大風

粘天浪涌雷疑動捲野沙驚地欲傾不是風師煩
作惡故將奇壯向人呈

丑山望海

尖山巧削層銀立驚浪翻隨疊雪移人世壯觀今
日最此身真箇作男兒

寧海海晏樓謹次 高祖韻

遺板高懸第一頭分明寶唾映珠樓吾家偏倚
君恩重頻向尚州作勝遊

天南勝界海東頭盡態風烟屬此樓清興已輸當

日詠碧山還對後人遊

多情白鳥舊沙頭飛去飛來近盡樓物色已成先
世契分留今日迺斯遊先和作善寶於足方今勝
尚存仰瞻遺板悲不自
勝謹將荒拙詞泐以題

觀海臺望東海

九萬天傾地欲浮怒濤飛迸碧琉璃虛無元氣蒼
茫裏恍忽難容縱寸眸

答關東方伯鄭季涵松江鄭激

喜與愁無意轉迭入窓風露冷淒淒好音未到吾
先卜庭樹今朝鵲亂啼

寧海境上次鄭孝法韻

東南不遠路猶迷
雲海蒼茫日色凄
身是丈夫元制淚
臨分恐作女兒啼

次禮安東軒韻

倚遍朱欄眼轉明
白雲羅擁碧山屏
官居却訝仙居勝
難向居人問姓名
四面青山入戶明
看來聊復撤障屏
風烟此地陶丘近
留與千秋不朽名
透林寒日照窓明
風露蕭蕭入短屏
殘夢忽驚京國遠
鬢霜仇我覓虛名

過愛日堂

用前韻

堂乃故宰相李希輔退老處

玲瓏朱檻歷江明
戶納青山不用屏
持節定貽高士笑
鬢毛斑盡博功名

次榮川東軒韻

持節南來入古城
題詩只是要題名
文忠句裏冰霜在
二百年前此地行

榮川路中次梁廣文士元之韻

愁看殘照下西林
林外江流幾許深
喚洞只今名以易
直緣當日見天心
初意將欲稱陶山之後
仍詰易洞因日暮且因涉

江之難未
果有處

次豐基東軒韻

三更風雪打窓深冷著貂裘攪客心更覺明朝行
路苦千山凍盡結層陰
霜侵雙鬢冷侵床容裡甘酸信彼蒼萬事不如歸
去好茅簷終日穩焚香

醴泉東軒次 高祖韻

臨風非敢要詩成擬續吾先此地行杖屨無蹤雲
散盡山容水色恣傷情
吾家於此夙緣成曾度前行又後行四面山光吟
裏物入簾蒼翠最多情

拙翁集卷之三

拙翁集卷之四

七言絕句

詠梅

雪裏寒花品格新明珠姿態玉精神
踈枝欲近還驚訝無限清香苦逼人

寒花不受路傍塵好保妍姿點點新
遇雪三層看最妙只憂虛白損天真

照嶺名花元妙姿滿城寒月又添奇
看來可愛猶難折題品清宵自作遲

自龍宮向商山路中次梁廣文士元之韻

拙翁集卷之四
七言絕句
詠梅
雪裏寒花品格新明珠姿態玉精神
踈枝欲近還驚訝無限清香苦逼人
寒花不受路傍塵好保妍姿點點新
遇雪三層看最妙只憂虛白損天真
照嶺名花元妙姿滿城寒月又添奇
看來可愛猶難折題品清宵自作遲
自龍宮向商山路中次梁廣文士元之韻

身大丈夫焉用假從天所賦本來真官銜且莫論
真假說到功名不是真

自德通向高山路中

二十年前此地行今來道路舊知名帶腰莫道黃
金好滿髮難禁白髮生

次多仁縣東軒韻

行雲返岫鳥歸林沙窟潛魚入水深古縣蕭條山
路細征車何處此中尋

義城縣東軒記夢

歸夢無防入禁闈一封珍重下殊恩覺來山嶽重

重隔猶記雲邊玉色溫

次義興東軒韻

孤雲出岫鳥知還南服行人披上顏官裏簿書何
日了三間草屋有餘閑

次河陽東軒韻

人間萬事關情少天上祥雲入夢多盟在三生心
了了傾陽性癖是葵花

歡情每向中年少樂事曾從早歲多白髮愁邊臨
小鏡青春醉裏插宮花

驅車南國歡棕少柱笏西山爽氣多紫陌舊蹤今

縵縵白頭無夢到看花

江湖開眼機關少嶺路驅車因惱多貪戀 聖恩

空汨沒髮生霜雪眼生花

村落蕭條侵野少樓臺敬豁得山多莫言古縣欠

繁麗千載城名尚帶花

河陽蒲日花城故及之

承流到處收功少非擬如今叨寵多南國舊謠那

復聽春來無面見棠花

烟霞勝地元非少人世閑時本不多溪上白鷗吾

羨爾風邊嫩羽欲成花

鴈足書來天際少劍鋌山隔玉京多欲憑驛使傳

芳信梅樹衝寒未吐花

次密陽東軒韻

風日那能到此樓一天雲物足銷愁斗牛咫尺銀

河冷莫把靈槎下碧流

定是仙山十二樓蟠桃影向玉窓留蕭蕭風露非

人世休把金丹謾有求

次凌波堂韻

丹碧高樓聳郭頭遠披山影近江流風簾無力紗

窓冷林際閑雲一半留

紫陌飛塵沒盡頭抽身欲濯愧江流磯邊定被沙

鷗笑仙閣煩將玉節留
冰輪初轉玉峯寒皓色平分十二欄
鶴鬣披來江閣迥臨風直訝上雲端
華欄直向半空橫霧閣開來遠
出平鶴夢初驚山月白前灘流作枕邊聲

枕流堂韻

連天碧水霧初收銀漢應從下界流
何處風邊吹鳳管碧城琪樹是瀛洲
南浦波明畫棟飛珊瑚簾冷濕烟霏
雲邊笙鶴空中響鮫婦停梭欲下機

澄江如練月如霜風露蕭蕭滿一堂
透閣清光元最好隔簾踈影也無妨

凌波堂韻

無邊風月搃宜詩嫵媚江山入夜奇
風露透窓遊氣亂芰荷衣冷夢驚時
層城高壓碧江陬春水初生浚盡丘
兩兩白鷗來又去一天烟雨爾優游
畫閣玲瓏彩霧凝銀屏斜掩映紅燈
華筵好是秦箏撥冰蹴江娥撲鉢僧
寒透瓊樓風滿林江山搖落鎖窮陰
層冰斷處灘

聲急咽盡關河歲暮心

凌波扁額揭堂名霧閣玲瓏照水明雲母小屏休
早捲紗窓烟濕曉寒生

次梁山澄心軒韻

陳跡難尋水急流邇來二十四回秋逢人說到當
時事無賴風烟暗起愁
檻外長江空自流鏡中霜髮不禁秋把盃更覺吾
衰甚不作歡悰只作愁

次玄風東軒韻

簿領前頭眼忽開青山一朶護樓臺故園松竹今

何似歲晚長歌歸去來

自玄風向高靈路中

容易何人題七字意傷輕淺語傷多深情本在難
言地海渴山崩竟奈何

路傍巖上有人題之
曰誓海盟山心已許

戲吟

時都事卻妓妓願入
帳中云故戲作一絕

風露梨園第一枝謾將輕艷要人知香心未到陽
臺夢願作孫郎帳裏兒

次星州百花軒韻

軒裏芳菲分外加東君於此不虞過紛紛浪葉寧
須百點雪寒梅一已多

春信難尋髮雪加行裝歲暮等閑過香心未放梨花樹冷落疎枝得月多

東軒韻

北風吹拂芰荷衣星嶽寒雲凍不飛歲暮關河行色急壯心猶是髮毛非

商山拜 箋後有感

川北橋邊鼓角鳴一封歸處寸心明臨風忽見旗中字千歲臨呼口自聲

旗中有君王千歲四字

歲律將窮雪意驕華山雲掩玉京遙北川橋下潺湲響驚羅羈魂一半銷

偶吟

白下門東是謝家一枝應謝舊時花欲傳芳信年華晚白雪渾山細路斜

在商山風寒不得出戶令小童探梅仍次東

韻

病恹春寒掩紫絨梅花消息問兒音覓童探自東墻說半折瓊葩欲吐紅

咸昌縣即事

寒塵初春雪意驕輕陰漠漠晚雲黑風生林木蕭初驚客子從來無定方

發自咸昌行向龍宮偶吟

巡遊南極千餘里日下長安望亦難
今到咸寧鳥嶺近倚樓雙眼不禁寒

龍宮次板上韻

磯邊垂釣亦非閑簑笠風翻凍樹間
白雪漫天江路細短筇歸去失前山

次海印寺韻

百尺飛泉十二巒斷冰殘雪淡粧間
雲寒古洞仙蹤遠欲把瑤琴問此山
虹流洞裏水悠悠學士臺荒問幾秋
笙鶴漸遙雲

杳杳蟠桃樹老映山樓

入定高僧眼正碧隨身只有一瓶錫
此中所樂問何如笑指伽耶山水綠

次三嘉板上韻

樓臺四面盡林巒簾幙輕陰生晚寒
南國蒼茫吾獨立北天星斗自闌干
危樓孤倚眼寒時林幕前山月上遲
欲折梅花傳驛使樹寒瓊萼隱踈籬

清坐襟懷作玉壺世間無夢到吹簫
中庭皓月宜寒影分照蒼松三兩株

高石樓韻

斯樓地位近三清滿洞濃烟盡不成
玉閣開來天更豁遙山宛轉一川明
風露蕭蕭徹骨清金丹仙藥不須成
珠簾捲盡西山近玉檻憑來南浦明
捲箔風從小閣清採菱歌向別灘成
山雲漠漠春陰重鷗下芳洲鳥道明

昌原東軒韻

吏散空庭掩朱門隨身隻影爾猶存
歌枕忽成蝴蝶夢遽然飛入殿含元

金海燕于樓韻

一朶梅花出竹間照來衰白不宜顏
攀枝欲寄相思意雲外微茫萬疊山
樓入層霄迥絕塵蟠桃樹老映千春
超然獨倚闌干立我是人間第一人
海門開豁海山青雨濕巒村夕照明
首露蒼荒天亦老去來潮水古今情
方塘波滑燕初回花暖江城亂影來
春力著人朝睡重日高珠幕不須開
朱樓敞豁曲廊回四面混迎萬象來
海上三山看

歷歷雲窓霧閣揔宜開

商山感舊戲吟

鷄聲初暢細苔生
織手調絃弄轉縈
清唱至今猶在耳
問渠能記舊時情

商山衰柳戲吟

垂柳陰濃指謝家
上枝高起下枝斜
風霜打後攀來少
莫怨王孫怨歲華

泗川東軒次高祖韻

脩竹叢梅護古城
蕭蕭風露入簾清
青山一髮當時物
似是無情却有情

金海燕子樓韻

一朶梅花出竹間
照來衰白不宜顏
攀枝欲寄相思意
雲外微茫萬疊山

樓入層霄迥絕塵
蟠桃樹老映千春
超然獨倚闌干立
我是人間第一人

海門開豁海山青
雨濕巒村夕照明
首露蒼荒天亦老去
來潮水古今情

方塘波滑燕初回
花暖江城亂影來
春力著人朝睡重
日高珠幕不須開

朱樓敞豁曲廊回
四面混迎萬象來
海上三山看

歷歷雲窓霧閣掩宜開

商山感舊戲吟

鷄聲初暢細苔生
纖手調絃弄轉繁
清唱至今猶在耳
問渠能記舊時情

商山衰柳戲吟

垂柳陰濃指謝家
上枝高起下枝斜
風霜打後攀來少
莫怨王孫怨歲華

泗川東軒次高祖韻

脩竹叢梅護古城
蕭蕭風露入簾清
青山一髮當時物
似是無情却有情

次固城東軒韻

千里關河敢憚勞
流年不遣壯心消
雲端回首人如玉
瑤瑟一聲山月高

次東軒韻

雲海蒼茫地盡邊
眼迷南北後還前
蠻村漠漠孤城小
千里行裝更渺然

山圍古戍水連城
物色無端動客情
烽火乍傳青海影
長風時送暮潮聲

鎮海次板橋上韻

海門雲散占天多
露盡蠻村倚岸家
芳草浦邊歸

路細巴童時唱竹枝歌

昌原次板上韻

客裏光陰又一年東風海國意悠然野梅官柳春
先到日照輕枝生暖烟
天南行盡海山歸梅雪輕輕欲濕衣十二樓臺芳
信到珊瑚簾細納春暉

安骨浦

三面山圍粉堞明天形迆向海門平龍泉舞罷鯨
波靜雲捲蠻村月照營
邊城鼓角暗驚人捲盡簾旌物色新瘴海東風烟

草綠一年羈思不宜春

次加德韻

一城能扼海東邊金鼓無聲四十年鯨浪盡恬春
日暖風烟還許白鷗眠

次天城韻

萬里層波一片城悠然海月照幽情邊聲四起仍
無寐接響村鷄殺五更

次熊川鎮溪樓韻

微茫滄海拍孤城畫鷁飛來一道明滿谷春陰蕪
瘴霧蠻村風日未全晴

次薺浦朝宗閣

羈懷千里苦難開一遂無端落盡梅賴是朝宗高閣在海山蒼翠入簾來

水登浦

舟自熊川到水登玻黎萬頃碧層層回頭欲指曾經地雲海微茫辨未能

栗浦

殘堞蕭條尚粉痕遙臨海口傷山根瘴雲作雨隨風下打盡行旌濕不翻

王簡受款樓

滄溟萬里一孤島殘堞蕭條臨古道風角數聲客倚樓茫茫烟渚迷春草

知世浦

小島蒼茫曉角催枕邊驚夢海中雷問渠今夜寒潮水打罷孤城幾度迴

次右水營

只今東海清如鏡耀盡將軍劔戟明彌令風霆指顧裏樓頭畫角兩三聲

右贈水使

萬頃滄波一葉舟青眸相對意悠悠無端短棹分南北岸草汀花也自愁

助羅浦清心閣

滄溟三面亂山橫
小閣高臨粉堞明
海戍烟消春雨歇
風花無數撲行旌

唐浦東軒

水營城外片帆張
西下層波浦彌唐
千里行裝惟隻影
一天雲海更蒼茫

固城丘墟驛

扁舟盡意遍東南
渡海歸來滿袖嵐
歇馬郵亭歛枕卧
一簾春雨午眠酣

次鎮海東軒

杏花村裏得春多
香霧濛濛暮酒家
行色忽忽空勝節
微吟斷續不成歌

題巨濟黃翠樓

無窮滄海碧玻璃
拍盡天端限地倪
高下兩間為物大
孤城自是一丸泥

次咸安東軒韻

休將花木路傍栽
客恨隨春一併回
紅白艷濃香霧暗
晴窓夢破意悠哉

漆原東軒

小縣依山是漆園
一燈春夜掩朱門
曉來殘夢驚

蝴蝶紅杏臨窓浥露翻

次密陽嶺南樓韻

春雲含雨起龍頭却向山腰一半流
薄暮輕風吹散盡霏微痕著澗蘋留
桃花浪漲沒沙頭匯到深潭不肯流
芳草渡邊風正急木蘭舟向小橋留
江山送影打樓頭透盡疎簾翠欲流
解事春風增賁飾碧桃花向粉墻留
垂柳飛花映碧流一春烟雨爽如秋
采蘋何處歸來晚短棹風顛惹起愁

次梁山澄心軒韻

檻外春江澌不流綠蘋風縷欲生秋
晚雲暮洞平林失三疊山形捲作愁

路從南去水東流春氣撩人倍却秋
飛絮落花飄蕩盡髮添霜雪骨紫愁

三面山圍一水流桃含春意竹含秋
滿堂風露仙區是願借瓊漿洗客愁

次東萊板上韻

近海高樓迫受風一簾凝盡彩雲紅
蟠桃樹碧瓊花白隱約仙山亂影中

雲海微茫東復東，天形缺又地形窮。
乘槎欲向空明去，只怕銀河一路通。
來近扶桑日出處，仙區入望望還窮。
蒼茫天地元無碍，鶴背風輕去路通。

次多大浦板上韻

洗兵亭上獨踟躕，瘴海清愁白盡鬚。
一劍光消佳節晚，城頭樹葉已藏烏。
萬重銀浪百層臺，雙眼明時四面開。
十八風鬟雲半動，空虛影裏却空迴。

微茫三島坐來收，天借佳期辦此遊。
說與神仙吾

不羨後雲臺上好，遲留地形窮處忽。
高臺沒盡重雲未，許開萬里海山不自力。
影和殘照一時迴，三生宿債未全收。
來近蓬山作勝遊，只恐神仙猶妬我。
塵蹤不許久淹留。

海雲臺醉吟

樂府遺音今尚闌，一竿明月亦君恩。
投盃欲誓波無際，春栢花邊玉節翻。

台海雲來舟中偶吟

人世百年今日勝，滄溟萬里此身閑。
神仙咫尺欲

吾語一葉扁舟載興還

鎮滇樓

粉蝶逶迤地勢雄亂山中斷海橫通春深細柳人
無事玉女窻扉好掛弓

次辛正字景行韻

以假都字來將
返有贈故酬之

城頭斜日晚荒荒芳草烟生路渺茫春色向殘人
去住一盃離恨海天長

豆毛浦皇華亭

在機

半削層巖未作稜俯臨無地坐難憑銀山萬疊空
中起勢欲崩時轉不崩

右次林
塘韻

天缺東南雲海遙玻璃層浪得風驕神鰲有力扶
嵬業臺向空中壓不搖

次西生浦韻

驅車入夜抵西域炬焰青熒導我行投宿小軒愁
不寐寒潮來作枕邊聲

錯莫南天海上城行行日日重行行歸家有夢圓
還破鼓角中宵是惡聲

次開雲浦韻

離披寒影浦邊雲昔駐龍舟今揔軍羅代海山猶
壯麗微吟過客不能文

次左兵營

行到轅門不敢前
貔貅亂擁綠槐邊
如今海戍知無事
弓掛高樓度外捐
笙歌聲裏好傳盃
萬事悠悠首不回
無數海山簾幙外
一天烟雨要詩催

贈松都人安慶昌

昌以淵遊四方道
遠山水為事者

天地中間身可放
海山隨處杖頻移
東西南北元無礙
來去飄飄不自知

次太和樓韻

臨海選岑要發輝
天教一雨洗增奇
珠簾卷盡雲

初散無數風光不負詩

樓臨曠漠野雲闊
咫尺層霄手可攀
簾外海山呈變態
動搖微影有無間

次慶州東軒韻

山自南騰水北迤
風生喬木晚雲移
千年陳迹今安在
人指崔仙板上詩

即事

流鶯初轉野棠落
四月天公作許悲
自是東都稱古國
臨風無語立移時

金藏臺

野日荒荒夕霧生羅朝臺殿一丘平千年玉遂吹
難了半入長川盡意鳴
羅代山河捲不平形形崛曲斷還縈蒼蒼茫天地千
秋恨澆以三盃未盡傾

東都

一片金甌曾脫手千年羅府只遺基樓臺歌舞無
尋處野水侵橋亂石歌

次東軒韻

雲寒古國已千年喬木風鳴鶴欲遷物色不隨人
共去老天猶露舊山川

辛梁驛在慶州

小院寥寥擁短籬風來庭樹翠陰移千年事往雲
無跡語燕窺簷也自悲

阿火驛詠芍藥驛在慶州

古驛寥寥野霧濃名花芍藥倚頽墻繁華舊習今
猶在蔓草叢邊謾作容

孝令縣次板上韻

小閣蕭條枕縣城茅簷雲度納微明雨餘庭樹半
身濕風籟時傳太古情
客心如醉轉昏昏意不自知那得言倚遍闌干山

日暮隨身隻影爾猶存

次海平縣韻

雨過庭樹闌成音半雜
淒風入幙添殘燭影搖孤
枕冷一年羈思苦難禁

次草溪勸稼亭韻

長路驅車滿袖塵
惹生霜髮鏡中新
憑欄好是槐陰轉
一縷涼風正貸人

次河東東軒韻

北極漸遙馬首東
有懷何處好音通
海山無數巒雲重
一鳥長天獨遡風

偶吟南海召伯臺韻

亂髮三千丈種種
照來滄海散無妨
東南回首扶桑近
願濯緇塵不受霜

平山浦

平山城外水連天
劔戟森森生白烟
畫角一聲風縷遠
重溟驚罷老龍眠

曲浦

小島人稀海曲遙
腥雲作雨冷蕭蕭
工程不惜衣
渾濕看盡城池聽晚潮

尚州浦

侵窓海氣濕衣裳瘦骨稜稜卧轉床官燭燒殘人不寐滄溟萬里雨浪浪

彌助頂

書生事業亦非酸節制南來劍鏑寒踏盡神鰲背上去海天氣散不生瀾天南飛上最高峯萬里滄溟晴不風蓬島仙人纔咫尺雲邊應見我乘空

赤梁

在晉州地州城用夜彈琴故及之

孤島三更客倚欄瑤琴彈罷一天寒最宜月色明滄海只恐蛟珠淚作瀾

次召村環碧亭韻

陰濃樹合小亭清風籟披空細作聲觸石澗流知底意披林棲鳥且休鳴

次柴原擇勝亭韻

琪樹風來颯作涼露荷珠瀉暗生香此身正在空明裏倒影樓臺半入塘

次靈山韻

梅花樹下踏芳塵二十年餘跡便陳向裏老龍今尚在問渠能記舊時人

次三郎亭韻

在密陽地

二十年前投宿處夕陽鳴遂不堪聞江山依舊頭
將白世事羈懷兩糾紛

通道寺

在梁山地

青山環合水盤回雲掩松關晝未開伴鶴老僧驚
客至禪壇掃盡損莓苔

林間細路少時行二十年來眼忽明翻倒老僧潛
有說今方伯是舊書生

一聲清磬透巖雲鶴夢初驚夜欲分隱映小窓寒
影過滿谿蘿月白紛紛

洞門初出自回頭陳跡纔尋又別愁寄語山中松

桂樹他時須許夢中遊

樊口

在襄陽

層湍漲壑作奔狂大石中橫小石防撩亂洞門雷
鼓吼夕陽驚鶴自回翔

奇巖巧削近層霄峻骨逢秋勢轉驕歷得厚坤傾
富媪在湍撞罷不能搖

鮑石亭

在慶州

紋損魚形斷石橫流觴痕澁老苔生溪風山雨蕭
蕭至暗打松林細作聲

澗水嗚嗚亂石敲故都雲物捲非宜西風入樹翻

生感一雨連宵未洗悲

過赫居氏陵前

古木森森夕霧冥赫居遺墓一饅形只今樵牧騎
牛過踏盡荒苔不乞靈

次神興寺凌波閣

在晉州

臨波畫閣倒玲瓏憑檻身疑便落空欲濯塵纓還
不敢山靈威勒水聲中

次林葛川茅亭韻

功名寧敵此溪山魚鳥相親枕席間石逕苔荒人
跡斷柴門雲掩不須關

聲名遠出萬重山泛水花非滿世間客不敢邀還
亦拒百年心事脫機關

人言素僻愛茲山誰識高情脫世間靜裏只需魚
鳥伴興來吟斷不相關

次神興寺僧延壽詩軸韻

灘聲警夜要人興鶴聲披來林鶴疑從倚禪窓仍
不寐吟餘時復蹴眠僧

智異山次雙溪寺僧性甫詩軸韻

松桂參天洞府幽青山無數自頭頭仙禽已逐孤
雲去溪月無心映小樓

聞慶東軒韻

世事猶堪一笑休人謀更覺儘非謀將身願放棹
關外天地中間得自由

咸昌東軒韻

落木蕭蕭攬客情拓窓終日對山城
傷人不解心中事謾道皇華得意行

忠州路中憶主牧

離情如醉轉昏昏歌管依稀夢裏聞
別後青山行斷隔君應思我我思君

晉州蠶石樓韻

捲盡珠簾忽碧江水片雲度影先窓臨
風倚柱移時立眠渚鴛鴦巧作雙

寒月流光搖一江風生階竹語生窓
三更露下雲初凍沙渚驚鷗不作雙

昆陽凝翠樓韻

羈夢中宵入鳳池香烟惹袖轉微微
蝴蝶散來驚起坐手持殘燭更題詩

方塘波滑燕差池著樹殘紅影轉微
春色老催羈客老海山斜日苦吟詩

昆陽浣紗樓韻

倚遍層欄夕照西樓前嗚咽石鳴溪臨風意在千
山外日下長安望欲迷
玉指當時姓是西著紗香汗點前溪扁舟去後無
消息索莫朱欄夕霧迷

山陰撥鵝亭韻

驚鷗中夜影雙雙皓月流光擅一江靜裏却嫌還
未靜風生叢竹語生窓
竹碧沙明影作雙却和寒月攬秋江曉來休把珠
簾捲露滴 濕玉窓

清道東軒韻

羈魂昨夜忝經筵坐物天威勝未前蝴蝶散來情
曲亂此身還出漢甘泉

晉州蠹石樓韻

風拖紅霞漾碧江殘花無數撲紗窓者來漸覺年
華晚垂柳葳鴉不辨雙

真寶東軒韻

蒼狗翩翩挽走龍一軒佳致在奇峯若將歸意論
山色却恐秋山未盡濃

河陽溪亭

倥偬日日且驅馳筋力衰兼眼力衰坐對溪山堪

自哂一官渾作百年癡

靈山東軒韻

慣踏南州路上塵逢人欲語口難陳路旁觀者潛
相說曾是甘棠舊憇人

當時親舊半成塵問到存亡明未陳遺老潛傳今
按節寶林寺裏讀書人

微茫雲海隔音塵每把幽懷夢裏陳孤枕驚來耿
不寐一燈寒影照愁人

丹城東軒韻

行行日日重行行歷盡南州七十城忙裏每思閑

裏事最宜雲月釣無耕

昌寧秋月軒韻

四月山南軟草長風披庭樹作微涼遙知舊屋終
南下手植叢篁已度牆

大丘東軒韻

驅車原隰非生客挑白風烟有舊心夙分已從南
國在天教於此許重臨

南極蒼茫北極遠倚窓終日把瑤琴入簾皓月如
相約何處天邊報好音

延日東軒韻

在上天臨鬼在旁斯人斯意在斯鄉蒼蒼山下洋
洋海二百年來猶耿光

安康縣遇吟

客心如醉海山間烟起前村夕靄殘宿鳥爭林葉
底事栖身不過一枝安
倦卧虛堂醉夢間夜深還覺暑初殘冰輪休輾庭
前樹驚鵲當枝翅未安

栢栗寺樓韻

來倚新羅古寺樓金銀佳氣冷千秋山川索莫天
將老啼鳥斜陽也自愁

玄風東軒韻

鬱鬱無方襟抱開登臺還下又登臺撫髭覓句安
排處小吏休將文簿來

咸安東軒韻

寧山官柳知誰栽一日腰支一百回吾意搖搖渠
意似臨風獨立足嗟哉
今朝細雨樹宜栽千里鄉園首獨回昨見吾家消
息到碧桃花發正時哉
故園梅竹手曾栽夢逐清香攬便回推枕忽攀庭
畔樹懷哉不覺更懷哉

草溪勸稼亭韻

烟花京國隔音塵
丹慙還隨白髮新
隴水咽來腸
斷盡蕭疎孤影動
隨人

高靈東軒韻

迢迢南北謾相思
夢裏扶携覺後非
雲日微茫秦
樹隔時時噓口又支頤

大丘東軒韻

黃昏驅馬入古城
風雨虛堂擾客情
簿領裁來燒
燭盡勞生最是此功名
兩行烟樹擁孤城
十載重來最有情
綵幕經宵還

作別他年琴鶴記渠名

榆川驛即事

淒風作惡掣襟裾
行到榆川自駐車
裁罷簿書郵
卒語角聲飛動夕陽初

宜寧庭中梅花盛開

梅花千樹小庭幽
影亂瓊枝入畫樓
夙約得偕何
水部宜春元不下揚州

梁山龍堂舊知崔
沂追來以別仍次板上韻
故人追我到龍堂
別意臨江誰短長
一棹移來分
去住眼回烟樹限
微茫

行裝一劍意堂堂坐拂三千白髮長海曲烟霞衣
盡濕臨江獨立更蒼茫

梁山澄心軒韻

少時曾泝此江流一棹頻披蘋白秋遼鶴歸來人
事改滿城寒月也增愁
朝宗遙向海門流歸鴈頻驚漢北秋日日王程詩
作課裁愁未了轉生愁

梁山舊知設宴話別次前韻以示之

宴入更深燭淚流思來往事幾回秋臨分休把笙
歌咽強擬銷愁反作愁

入通道洞口感舊

出洞當時惹別愁清盟期托夢中遊今來真境分
明是為問林泉能記不

自金海到獐項院

金沙洞口海波明二月長堤芳草生水國蒼茫京
國遠臨風嘿數去來程

薺浦韻

牙旌揮罷瘴烟開畫角吹殘響小梅寄語海山能
記未十年前客又重來

安骨浦韻

暖日暉暉正惱人
汀芷初茁海光新
南天有約烟花節
十一年回二月春

永登浦

樓上登如天上登
雁來烟浪碧千層
此身倘無仙家分
兩度清遊辨不能
羽可化來仙可登
玻璃披盡碧層層
空中一棹真渠力
滄海飛騰我不能
十回年際再回登
樓下銀山碧幾層
滿眼風烟真舊面
問渠魚鳥記吾能

知世浦

令嚴轅門敵角催
散天飛電作奔雷
書生在踏鰲頭去
泝盡滄溟萬頃回

玉浦受教樓韻

孤影飄來海上島
殘魂每向長安道
分明丹渥看如花
踊躍微情還似草
仙山何處蓬萊島
雲際微茫明鳥道
安得乘風此中去
手携玉杖拾瑤草

粟浦韻

孤城尚帶太平痕
無數魚舟繫石根
閱盡城池環海去
夕陽殘角入雲翻

加德韻

輕橈棹羅海雲邊陳跡依然十一年為問白鷗能
記我春波須保舊時眠

多大浦韻

乘風飛上不踟躕却訝仙童挽客鬚何處輕舟來
兩兩蓬山消息問檣櫓

詠浚雲臺韻

人生不上浚雲臺塵世煩襟那得開滄海窮來吾
意短空中微影眼中回

知世浦韻

畫戟森森海上營春波初暖麗暉明沙汀鷗鷺集
休怕邊靜無煩洗甲兵

助羅浦韻

烟花搖堞碧波明青眼還從海岳橫十一年回春
二月天教於此駐行旌

唐浦韻

吹角轅門陣法張分明學得六花唐寒儒枉作將
軍事踏盡鰲頭控渺茫

三千鎮

扁舟來泊三千鎮一棹能輕萬頃天擊罷空明還

獨立此身初訝便登仙

加甫梁

海日將沉暮角鳴城門初閉客心驚臨風為向邊
烽說渠到終南達此情
角聲初咽邊聲動海色沉沉夜色昏孤戍黃雲微
影度小窓紅燭寸心存

曲浦韻

陳跡依依歲月透霜毛照海冷蕭蕭此身非是初
來客不怕滄溟送晚潮

夜黑滄溟閱半天一九殘堞貼腥烟蠻雲作雨蕭

蕭下半聲燈殘人未眠

鎮安東軒韻

午夢驚來意緒多分明我醉美人家窓前梅葉香
烟冷折得瓊枝為爾歌

南海東軒舊題詩板已入灰爐中有感

燼餘樓觀依前樣四壁看來欠舊詩風債欲酬還
七字海山應許我相知

固城東軒韻

吟詩盡日倚春城無數烟花惱客情想得終南山
下路風傳歌鼓作雷聲

曙色初開海上城無端殘角動幽情臨風忽憶朝
天日行到沙堤聽漏聲
吟蕭蕭條倚海城飛花垂柳尚春情此中儻得丹
青手始信無聲勝有聲

固城東軒韻

羈魂飛入五雲邊宣席虛來瞭欲前驚罷一場推
枕起惘然情曲轉悽然
粉堞輝明碧海邊勝遊曾在十年前看來不覺青
人眼樓觀還如故舊然

固城東軒韻

人間離別說勞勞鐵石心腸一半銷驅使小詩酬
寸懇南中紙價不嫌高
攻愁無策費神勞詩未能裁酒未銷捲箔時臨滄
海坐尖山無數鏡中高

太和樓韻

雲海點山猶舊態微涼送夕又新奇登樓庶免孤
佳勝前度詩聯後度詩

青鶴洞

十一年前上此峯林巒跡冷淡秋容山靈欲改當
時態粧點韶光盡意濃

上峯頭

路入雲根迥出塵一層陞了一層新有窮足辨無窮眼自是風邊快活身
千層峯上已騰身萬壑看來細似塵若遣吾軀長此地百年應作快哉人

贈智異山老僧

談水談山口不離焚香偏向靜中宜知師用意渾無事清坐相看不要詩

向鶴峯

前巖攀了後巖回荒竹纔披細路開嗽石細泉鳴

咽咽奔流擬洗俗塵來

伽耶山海印寺韻

由由層崖疊疊巒不教仙訣漏塵間臨流說與潺湲水有底奔忙便出山

珠樹瓊枝擁作巒梵宮飛入白雲間溪流莫放桃花去恐遣漁郎便入山

龍宮篁翠樓韻

長途行瘁簿書間十日難成一日閑
枝得此身樓上坐捲簾無面見青山

星州百花軒韻

春愁翻與旅愁加客裏光陰忙裏過芳草欲齊花
欲盡較來情緒為誰多

河東東軒韻

疲盡精神簿領間捲簾時復見青山愁邊每得吟
詩力一集猶了一官
蹤跡栖栖嶺海間日邊何處是南山天機用盡頭
渾白肩肩從前謾做官

花園縣

長路驅來滿袖塵簿書堆案病纏身庭前喬木微
陰轉却遣涼風貸却人

丹城蝴蝶樓韻

再回樓上十回年山水還如故舊此山後願從蝴
蝶約夢魂披入澗邊烟

今年遊憶舊遊年樓外溪山尚宛然下到朱闌煩
說興丁寧好在老風烟

榮川東軒韻

休怕西風苦作涼錦袍猶惹舊時香無端憶得祥
雲裏曉旭初昇捧御床
庭樹蕭蕭生夜涼敗荷時復送餘香還家有夢翻
多崇風透單衾月透床

榮川次園隱韻

文忠一詠重龜城烈日光兼霽月明為問青山曾
見不携家人向嶺頭行
今來潛記舊山城觀者寧知我姓名南國未成棠
菱曲穎川應笑再回行

豐基東軒韻

金闕朝朝捧 御床萬年枝映玉龍蒼今來嶺下
虛堂宿風露時傳野菊香

咸安郡患疾夢中有文簿巖而有吟

空惚掃罷睡酣初殘夢纔圓又簿書蝴蝶散來翻

自哂精神錯盡困焦餘

空惚日夜夢還真有底文書因此身夜夢本從朝
晝事覺來休說錯精神

黃山江舟中即事

海上青山鏡裏搖近峯如狎遠峯驕欲將七字論
豪縱却怕坤靈殿鬧囂

雲興寺洞口

探盡仙山意便驕輕衫飄拂度紅橋風花烟草阿
人意粧點春容影動搖

永川明遠樓次園隱韻

正氣寧隨世盛衰
看來遺詠語猶危
聲音貴在無邪地
事不驚人不是詩

三嘉東軒韻

風花飛度簿書間
排得新詩字未安
斷盡吟髭神轉困
不知西日過前山
風披繡幕夜淒淒
蝴蝶三更覺轉迷
說與杜鵑行太苦
故驚人夢徹宵啼
步上高樓望碧岑
不知佳勝在樓陰
小童導我西階去
云是軒窓合正襟
連牆槐樹蔭庭幽
風送飛花看葉稠
小吏休將文

簿至塵冗恐溷碧溪頭

二首正襟堂韻

伽椰山海印寺韻

層層琪樹擁重巒
清磬如何落世間
觸石清泉磨濯盡
嫌他陳跡溷仙山

居昌東軒韻

南極經年髮欲霜
風邊獨立更蒼茫
烟披芳草鄉山隔
歸意長於歸路長

別後次金士晦見寄韻

我在舟中君在樓
相看脉脉各含愁
無端一棹微風動
無數青山隔密州

時密伯金君來別於三郎亭

脉脉臨筵咽未歌
衷情偏向客中多
滿船南北分
離恨孰與黃山萬頃波

盈德次

高祖韻

高祖晉為都事於是一絕而今

到是懸則無詩板押歲可父而隨失者歟有感以足之

篋裏曾披七字詩
唾珠留與後人知
今來南國尋無處
露浥溪山愁作思

前為方伯曾有詩有感又次

樓頭誦來十年詩
滿日風烟捲舊知
說與溪山吾有約
丁寧他日更相思

金海東軒韻

清唱中宵響落梅
一樽聊可好懷開
紅粧滿座潛相說
前定皇華今又來

寧海海晏樓韻

看水看山自側頭
却疑奇勝在斯樓
欄南欄北隨宜立
收拾從他目自遊
天缺東邊地盡頭
舊時人倚舊時樓
吾家不有仙家分
前後那能辨勝遊
將身不憚到壺頭
鳧鳥來憑海上樓
青眼細看前面目
今年遊勝昔年遊

海晏樓次具栢潭韻

栢潭詩在人安在七字銀鈞映海雲却憶東湖分
手日一聲羌遂到斜曛

露梁院

小亭猶在古河頭陳跡依依十一秋洗眼分明看
舊物飛來飛去爾沙鷗

醴泉東軒韻

錦樹迎霜盡不成一川流影後吾行風烟巧作營
時態對舊皇華有舊情
簿領堆床績未成等閑官路漫行行峴山非愛還
非醉道側兒童有底情

歌枕孤眠耿不成十回年後再回行隔簾聽得蕭
蕭響雨打疎林攪客情

巨濟溟珍縣

雲黑滄溟風蒲堂孤燈明滅夜何長佳人休唱相
思曲楚客聞來斷盡腸

興海東軒韻

十年重按山南道老眼生花恸簿書寸腸葵懇無
多少較却精神頓不如

梁山通道寺

塵裏每思方外寺夢魂長在薜蘿間今來真境忽

忽去難向茲山道愛山

崔冽崔沂等諸公追來叙別

故人追我踵禪壇樽酒開來強作歡臨分脉脉難
為色祝到平安語亦艱

左兵營

鳴劍將軍宜細柳觀風方伯恟甘棠錦筵却笙
歌咽銀燭光翻舞袖長

晉州豆致江亭

仙山去路小徘徊返水菰來眼便開江畔白鷗應
笑我片時拋却簿書來

步來沙渚坐巖隈風拂輕陰嬾葉開何處漁舟來
去晚桃花浪漲夕陽回

雙溪寺夜吟

月黑春山萬籟沉禪房孤卧靜無音杜鵑一併清
泉響叫到殘更有底心

拙翁集卷之四

拙翁集卷之五

七言絕句

郭汾陽

功名終始郭汾陽
謀國謀身計執長
僮僕來傳藍面至
却教兒女屏深堂

富相國

富相初除文相驚
過街欣躍見人情
宮中爭說新黃閣
曾未聞來此姓名

張舍人

舍人家本碧江潯
典午乾坤欲陸沉
若遣銅駝安

穩在尊鱸那得動歸心

張子房

儒家氣自舌端伸
韓室心懸漢室身
滄海有君何似者
做成忠智兩全人

趙普

燭影翻成櫃約寒國人
明目見心肝魯論在篋將
安用應作渠家一橐者

管幼安

遼東來卧一床高
不事吾劉肯事曹
三卜七年無事客
一船西海試輕濤

陶穀

學士清班近玉音
袖中禪制汝何心
九泉若值韓通手
鈇鉞應先舊翰林

馮道

不愧人又不愧天
渠家坐視主家顛
千秋人唾馮丞相
代五經來富貴全

周太尉

盜賊長安那得數
麤才元不合經綸
安劉只是吾能事
富貴輸他冠玉人

范相國

霸業成來宦味衰
高情元不在西施
隔江聞說世間事
市虎專由賣國人

汲淮陽

狗馬情深滯一麾
臨風不忍別丹墀
荃心已左言難入
寧用區區乞捨遺

王導

戮力邦家伯仲間
新亭相對有河山
坐遣良朋歸賊手
中書涕泣竟何顏

伯仁

生茂弘孤死伯仁
江東王業坐沉淪
桓郎不解新

亭浪漫把夷吾屬別人

陶靖節

世入劉奴意不降
當時人物此無雙
籬邊松菊關何事
留得清風晉北窓

呂夷簡

富老忌言呂老猗
竟將同異陷關南
國書啓來奸情露
波詐無慙詐者慙

王丞相

劉氏安來吾事了
十年窮巷意還怡
閑中聞說陳丞相
長樂雲邊口吐奇

王大夫

不二忠臣王大夫民彞千古一言扶高風却遣全
齊化五百滄溟義士俱

莽大夫

羨新儒筆巧還應投閣當時悔也無精妙休誇玄
裏得紫陽書汝莽大夫

二疏

漢日將移髮欲踈同車父子返田廬諸兒莫惜黃
金盡僚伴家傾縲綫餘

梅處士

劉家天地已之新頌德紛紛幾萬人名姓變來身
蛻去吳門烟月漢純臣

秋仁傑

張老才由秋葉籠蓮花凋盡上陽宮房州龍轉家
猶索雙陸寧饒貴日衰

天寶

嬉嬉當日昧蒼桑萬事全憑偃月堂鳥獸散來方
有恨精忠曾未識顏張

恠鬼兒

進固茅斯脫距斯煩將四一目於詩路中拊股朝

中舊壞事憎他愧鬼兒

賈似道

畫閣平臨葛嶺開朝家權幹掌中回湖船一棹朝
堂近人道周公羽翼來

文山

哀未存亡死未休六年燕獄宋天幽雄鋒初淬入
朝日賈賊心驚葛嶺顛

臨春

紅粉臨春醉裏嬉韓將軍到夢回遲景陽問却江
倉事云作楊家慕惠兒

樊噲

突入鴻門快倒危柔腸變作呂家兒天心欲護劉
家物去汝軍門左袒時

陸賈

好疇田地買身閒無博聲名將相間滿橐黃金收
口債兒家酒熟寶車還

司馬溫公

休將禽獸較兒司馬當朝戒自持恠底衣冠諸
士子目成姦黨筆於碑

袁盎

鼠動黃昏 嗾魏其揚揚白晝報仇時天教梁客論
渠罪橐裏吳金更與誰

元祐

齊人有語楚人咻元祐諸公嶺海幽公議世間猶
一脉畫工踊躍石工愁

陳平

一語能排太尉賢六奇餘策又欺天路傍牛喘渠
休問好把功名入手專

張廷尉

稠中結韞身初屬公子傳車行轉危至老不危天

子聖却教廷尉重當時

白尚書

子午橋邊花竹裏風流詩酒太娛嬉元和以後危
疑甚擬學東山謝傳碁

陸賈

將相融融酒樂張和風吹動義聲昌誰教也作安
劉策平勃無顏坐巖廊

菴村道中

胡天慘澹夕陽初驢影蕭條髮欲疎卅載功名今
擺盡傍人休喚舊尚書

羌村

海北原頭苦索居，蕭疎短髮不容梳。行裝真箇山僧樣，較却安閑愧不如。

晝眠

枕上頽然困，碎身傷人休。訝晝眠頻，合眼便成歸去。夢片時猶作故鄉人。

寧城聞塞角

影冷青燈到夜分，近人孤嶂欲生雲。休將塞角驚羈枕，長樂鍾聲夢裏聞。

羌村見月

身留千里心千里，分却身心作兩般。只是天心一片月，清輝猶似洛中看。

羌村兀坐有感

擬上峯頭望故鄉，力窮雙眼漲中腸。不如終日閉門坐，嘿嘿無言看彼蒼。

送家奴應壽還洛

裁書臨紙轉茫然，情緒填膺百未宣。更向行人頻囑語，不知渠口盡能傳。

應守去後有感

情緒如絲亂未裁，一封封訖幾還開。行人去後心

還耿迨怕當時馬首催

警

臨吾頭上質吾傍天目昭昭鬼目張明不可欺幽
可畏渠身猶自有冠裳

羌村見衣白者

北方風與以南殊盡把毛皮蓋體膚路側忽逢衣
白者問渠來自洛中無

見家書

家札看來喜若驚平安兩字眼先明一封遠過黃
金萬杜子當年語太輕

羌村即事

黃雲拖冷幕前山殘雪輕輕凍樹間日落林廬烟
不起却教童子掩松關

庚申

微蟲寧溷上帝尊多事人間誕語喧博得中宵歡
樂地紅燈處處對芳樽

夢

精神默契舊情親牛酒相迎久別人蝴蝶尚憐沙
塞苦枕邊陶作一場春

冬至烹豆粥

隔窓撥亂爐烟起云是名辰豆粥烹寒俗亦知陽
復日天心無處不生生

謝金銓金鏡兄弟

窮巷寥寥斷足音二難於此幾回尋應門僮僕潛
相語除是昆金即季金

臨瀛居人韓世豪待我甚款

未路人皆溺死灰韓生眷我者何哉潛呼村落相
傳語此老今從天上來

謂我自
所以來

羌村居停家當午有感

休說風沙北塞深日輪當午破幽陰天工自是持

公道不作親疎一樣臨

焚膏看書

沉沉長夜坐焚膏亂焰烟生手未挑強把古書尋
細字數行纔過眼先勞

仲冬初六日乃先人初度日有感

無聲有聽無形視家廟今晨閣面開白首慈親含
淚語天涯遊子幾時回

家書

百札爭如一見面披來無影又無聲褊心苦待歸
來鴈只是能傳兩地情

燈油乏盡早卧有吟

夕照將昏早擁衾
漫漫冬夜又沉沉
顏然欲作還家夢
睡未成時便動心

夜深有吟

沉沉長夜掩寒扃
冷壁無因借雪螢
展轉三更眠未就
短衾歎盡露衰形

夢

歸夢分明返弊廬
手持甘旨侍庭除
若將此事為真事
從此吾身不出閭

夢見李應堯

名雅

夢裏分明善谷翁
一場談笑覺還空
如今病渴知何似
皓月臨窓顏色同

憶應堯

思君不得訪君家
風雨都門轉眼遮
追憶病中煩寄札
栖鴉書字半橫斜

羌村冬夜

白雪渾山樹欲冰
淒風透幕冷初疑
窮途已失黃昏約
破壁還殘半夜燈

見凝川朴尚初書

從弟來傳一度書
凝川交道久猶初
從他世態雲

翻覆只作情親不作疎

送家奴安連還洛寓意三首

慈親

白髮慈親書札到勉加餐飯免飢羸渠歸若被庭
闈問須道形容勝昔時

先塋

南邊巡又北邊流哭望先塋抵二秋為白居人煩
囑語莫教芻牧近松楸

書籍

吾家四壁素無儲架上猶藏內賜書為向小溪傳

我愁時時曝曬掃蟲魚

兒子

舊屋曾餘萬卷書一年風雨長虫魚渠歸為向吾
兒說且掃軒窓好卷舒

梅

歲律將窮臘節回清香暗憶故園梅渠歸為向南
枝看先把氤氳好意來

送家奴良金還梓川

曾卜花山一畝基天涯流落計還非渠歸好種花
千樹春到窮村亦暖暉

富寧板上絕句韻

無端霜雪上人頭種種愁痕按未休立脚一蹉身
萬里何時會伴赤松遊

謫來途中憶應堯

作急行裝出國門交情欺殺病文園遙知驚起寒
窓下風雨殘燈亂影翻

路中

南轍纔回有此行情親無暇作相迎聞君卧病思
君苦嶺樹風高澗水鳴

夢登江閣

環堵蕭條束短蒿幽居藏蟄類藏逃無端夢裏餘
跳去飛上江樓十丈高

記夢

蝴蝶飛騰近玉宸覺來身是異鄉人自今以後方
知夢將把衷情細細陳

見李通津壽俊書

通津太守數行書有客來傳千里餘披玩不堪悲
感集高風真箇乃翁如

唐陵之子洪建來訪

云是唐陵胤子洪殷勤來把好音通精神有契方

成夢今曉分明見乃翁

偶吟

難將矢直為弦曲此癖猶存九死餘
沙塞風霜挑耿耿勿欺曾信聖人書

自嘲

平生拙宦路迷方漫把編心學木強
畢竟被他人指目為癡為恠或為狂

見家書戲吟

昨日老妻書札到罵余何事口興戎
編心未免傷離別渠語宜供一笑中

偶吟

青娥兩朶坐仙壇紅粉初均淡欲殘
題品未知誰第一嬌恣不許別人看

除夜

獨對殘燈口自噓寸心非敢惜居諸
黃沙積裏陰山下此歲還從此夜除

立春偶吟

人於新歲有私祈貼却門頭兩句詩
今日吾兒應有語陽春失得乃翁歸

先訓

丁寧先訓保音徽
篋裏今留字字輝
寄語諸兒百
努力將身莫作小人歸

自警

數百年來世有傳
不欺心又不欺天
世間得失元
非緊依把吾身
忝祖先

伶人

幽固可欺明可欺
恠他無賴是伶兒
還從市上誇
甚手裏猶將造物持

捕風

癢毒初非敢死人
惟輕吾欲宥渠身
只緣襖裏校

箴巧情犯論來未可仁

夢

枕邊蝴蝶恣飛騰
上我高樓數十層
何日放身天
地去却教雙腳履其能

夢餅戲吟

夢餅追思盡餅同
覺來無味嚼來空
悠悠三十年
間事今日渾歸夢
盡中

夢見李景閻

成州太守李文翁
夢入山樓笑語同
蝴蝶散來西
北遠眼寒天末
望飛鴻

夢見李都憲元翼

同朝相識今都憲
夢入山樓笑語俱
天上飛騰雲路好
舊情能及北邊無

賣篩人

剝啄凌晨小僕噴
門前來到賣篩人
問渠寒苦能無怕
笑道飢腸虐此身

即事

山橫長白天容慘
海控黃沙地勢窮
隻影吊來鄉國遠
空將短髮試淒風

羌村日夕叙懷

較來世事腸全熱
望斷鄉山眼欲寒
昨日已過今日暮
若為消盡夜漫漫

新歲居人獻祝戲吟

人情自爾惜分離
塞外離家倍却斯
新歲居人爭有祝
君今捨我向京師

見玄誠仲書

人自北來書自西
一封披了意還迷
臨風欲謝殷勤意
翻倒難容信筆題

羌村餞歲

南路於京未滿千
華堂餞歲尚悽然
宵廬此夜風

霜裏始覺今年倍去年

謝朴萬戶鵬

朴老於吾屬意敦頗將鱗鬣啄柴門君家僮僕潛
相語山路羗村踏幾番

別洪彥規有懷

臨歧不忍斷離情追我來隨數日程脉脉忽分南
北路風邊落葉向人鳴
衰草荒陂坐屢移青燈白屋語更悲臨歧欲別難
為別此恨偏從別後知

歸心

歸心日夜望京師如玉人無白髮慈童僕亦知歸
去好喧喧有語每稱斯

見鄭評事文孚書

幕佐於吾魯有契同年之子舊僚即邊沙歲晚披
情札前固難忘後可忘

見湖西伯尹粹夫書國馨

湖西一札十分珍遠寄風沙塞外人去歲商山歌
舞事依稀夢也恐非真

見李來自京洛

今朝有客自京師道我容顏勝昔時關北風霜休

怕惡不教人病不教衰

居人姜應清來訪

白雪渾山細路開斜陽有客佩壺來相迎却向虛
堂坐酸苦全消暖律回

別崔察訪歸京

送君歸去我腸柔望北情深又別愁拭目試看雙
闕上祥雲猶似舊時不

我家書

裁書不覺意重重筆澁還無字未濃欲悉艱辛多
少事歸家恐作割腸鋒

夢月汀尹根

遠處有夢覺還空面目依然月汀翁人意有字神
有契三千里入一床中

見友人閔思恭書

陽城野老意頗珍問及三十塞外身交道世間墜
地久義風猶屬布衣人

女巫

居停鬧亂有妖巫一擲錢玦是也無若遣斯人能
直語世間姦鬼未容遁

聞女巫聲戲吟

難把吾心混俗凡行裝吾欲問巫咸神明在近猶
難感自愧平生欠至誠

寧城暮春大雪旋霽

春暮邊城雪轉驕歷來高柳沒長條天工尚放朝
暉暖融盡前溪漲作潮

嘗艾叢有感

薪艾細莖苗耐南摘來非但味偏甘無私最是王
正月春意透從塞外覃

憶洛中故舊

北來難見故人書不是交情頓作疎風雨滿城魚

鴈凍白頭應縮閉門餘

家奴自洛來

驅馬前來訝是奴容顏認了便相呼捧書不暇披
書見先問吾家安穩無

憶故舊

人情一任險夷別逆境看來順境殊塞外每思親
舊面舊人能憶舊人無

嘗尚州皮狄栗有

釋人而尚最之所親也

商山皮栗果中珍遠及風沙塞外身太守情兼慈
母意嚼來甘味便成辛

商山於此四千里皮栗嘗來思杳然却憶去年此
樹下笙歌聲咽酒如泉

謝吉牧

一封書較萬金多佳貺還無六味加南國舊遊今
未忘北天深眷復如何

寧城門溪聲有感

長川日夜隔城鳴朝海我情愜渠心堪笑柳州虛
用淚偏心只作斷腸聲

吟詩

坐即昏昏臥鬱紆中庭散步是工夫隨身有影集

難語時復吟詩作一娛

寧城見新藥有感

和氣乾坤到處恢邊城草木亦佳哉五加皮又山
精本能保年齡俾不頹

自笑

平生羞恥稟成姿酬酢於人便恹恹一癖沉綿垂
老甚此身終始此心持

見大丘族人禹

書

故人喻我耳休憂大聖明明定燭幽渠固有情
還有見遡風南國更回頭

謝淮陽太守

千里慈親書札到
開緘未竟淚先流
病口向來加一筋
淮陽太守饋珍羞

警

吾家忠盡以為規
五百年來炳炳垂
儻把一毫欺
白日前人應唾後人虧

寓懷

感口為聲氣未伸
求言成響曲難均
臨風無語移時立
青海城頭困悴人
家奴輩埋炭來

丁丁伐木北山中
短褐嚴寒犯朔風
咄咄諸奴吾愧汝
艱辛全為主人翁

贈居停朴順

我曾雲路腰犀客
渠是邊沙額抹人
此日茅簷為等伍
天教於此作情親

次藥圃韻

李海亭

終南山下舊隣居
北塞今來事亦如
每向原頭空悵望
風沙眯眼不饒予
悵望無因問起居
愁來霜鬢白紛如
好音忽到神孚地
驚鵲今朝已報予

寧城三月三日有雨

寒勒邊城草未生
居人難踏澗邊青
天於塞北慳佳節
又遣行雲作雨零

次鄭察訪韻

嶠南前歲共長程
追憶依然夢裏行
塞外今朝書札到
披來翻倒若平生

塞北三千里外程
風沙漠漠少人行
迢迢魚雁難傳處
詩札君能問死生

中樞舊吏李光庭來訪饋白粒

中樞舊吏情殊厚
來慰淒涼又助糧
居者欲辭行

者饋重渠高義俾無傷

平生交契知何限
除却樞郎太半非
寄語吾家年少輩
從今取友要寒微

曉聞林聲

鷄聲初唱杵聲動
籬落喧闐客夢驚
羣動算來皆為口
人生於世讓勞生

讀義經有感

微可極來幾可研
澗然融盡竟怡然
此時不向義經看
霧塞那能見得天

霧塞肯中辭未舒
空將醉夢寄堪輿
明憲披得義

經盡始信人間樂有餘

崔察訪魯瞻來訪

莫斷柴門晝未開
無端村犬吠籬隈
依然僮僕爭
翻倒傳說輸城寨訪來

今日踈皆昔日親
窮途能顧見天真
天涯傾蓋情
殊重高義君今第一人

秋村寓懷

殘喘猶存九死餘
時時談笑曩時如
人生只任天
公手能食今年北海魚

羌村出門散步

一室陰陰自作幽
出門聊欲散沉憂
郊原踏盡情
還動愁入鄉山與目謀

寓懷

多病平生百不宜
公門朝下只迎醫
衰年淪落邊
沙外自是天公付一癡

朱槐里

一劔將期血百張
朱生忠義太堂堂
五侯門客知
多少肝膽全寒是孔光

寧城清明杏花未開

節到清明冷尚饜
山村無處覓春醪
杏花厭被兒

童指懶吐芳心也自韜

羗村

唯將短髮犯凄風
歸眼有窮心不窮
咄咄未舒煩
一指衝寒時復謾
書空

寧城寓懷

鴉鳴老樹晝沉沉
小院當城自作陰
強出柴門時
散步凄風吹袂未披襟

羗村

平生齟齬計全疎
世事方知狼狽餘
身不自由心
自祝還城居換故林居

寧城清明

清明失節冷還牢
春色那能著一毛
村裏杏花尋
不見山城何處覓春醪

羗村上元有感

邊塞那能作上元
滿山風雪掩柴門
去年今夜鷄
林館銀燭明邊舞袖翻

謝王蓮鎮將安沃

羅雀場邊雀亦驚
王蓮牙卒豕門聲
聞來點檢人
間事惟有將軍不世情

金僉使磁來訪于羗村傳朴僉知宣之寄札

且致朴令公問訊之語曰吾乃曾經朴之編
裨者也朴乃同年及第

兩字平安一札勤金公傳說令公云從前相識知
何限問及窮途只有君

自北塞向義州 行朝有感仍次江界府板
上韻

正是袁安泣涕年度來危地戴來天風吹客袂飄
飄去挑盡丹心自惘然
都門別後一回年有底江州路近天行逐溪流趨
鴨水耿然袁曲屬潺然

按嶺南遞來旋謫塞北蒙 思見放行向龍
灣有感仍次前韻

道路奔馳抵數年休將行止問蒼天異方風氣從
寒暖塞草壘烟任自然

在北青臨安波山中次藥翁韻

飢腸焦盡亂離餘一筋還驚食有魚口裏味甘心
裏笑江東何地不宜廬

自臨安向咸興屏風鋪次藥翁韻

遠客悲秋草共靡一聲天外鴈南歸渠歸為向吾
家說扶杖邊山未奮飛

亂固有階治有階此時須幸曩時幸衰憐合作清
朝散不卜南崖即北崖
天涯事事劇艱辛此味同來契自親樽酒他年應
說道吾儕俱是十生人

屏風鋪次藥翁韻

度盡千林不見村沿溪終日便窮源炊烟起處家
三四云是屏風隔世喧

黃鐵坡

青山斷處忽郊墟離外荒田數頃餘說與主人吾
羨汝一生真味在林廬

三水道中有溪水伐木為槎

伐木為槎犯碧漪撐來沙石破烟霏輕橈力弱歸
心急不覺驚濤濕客衣

雪寒嶺次藥翁韻

同庚人作同隣久沙塞歸來事事同稅駕從今問
何地不妨人喚耦耕翁

又

雪嶺度來鴨水近蒼茫關塞兩衰翁天於歲丙非
無意間道趨朝事亦同

向別害峽路即事

隨風落葉開城雨埋盡千山石徑微倦馬亦憐秋
色晚衰丹懶踏夕陽歸

雪嶺途中

飄來客袖捲烟嵐山百盤回水十三秋思易悲旅
思苦不堪紅葉亂紛紛

江界造山村人家

土宜黍粟山宜菜女汲清川男採薪道路遑遑頭
白者生生羨爾造山人

江界魚賴村雨中

茅簷夢覺響蕭蕭西塞頑雲送雨驕不惜客衣霑

濕盡龍灣寒日意先搖

渭原板上韻

乾坤霧塞力難收丹盡心腸白盡頭漢國威儀何
處所西風吹急塞西秋

見李同年夢應詩板仍次之

世事悠悠淚未收故人詩掛壁西頭英雄去後風
塵擾獨立蒼茫亂峽秋

自理山向山洋途中

趨朝西極意先馳一步還嫌一步遲歸馬莫從關
路倦淮陽寸念爾曾知

山羊堡

孤戍荒涼疲卒說山洋地勢對胡山波儲江口朝
朝望莫是凶奴近漢關

堡

兩堞交橫兩邑間層崖斷麓最宜關胡兒慎莫窺
關外天塹江橫劍戟山

七言排律

新豐十韻

長安城裏獨傷神夜夜南州歸夢頻晚歲不甘天
下養少年曾是沛中人松楸望盡魂堪斷鄉邑移

來意可伸青眼相逢吾父老白頭交慶爾鄉隣前
坊後巷依曾覲直檻斜欄做舊陳曩日捷從今日
是楚天移向漢天新無心鷄犬尋家入有意人民
比屋親千里為家閑日月一場閑酌作陽春融融
盡得親心悅皞皞爭稱長者仁獨惜杯羹曾出口
親親王化恐非純

賦

好善優於天下賦司馬魁

余惟為政之有要兮貴虛已而受益志苟枉於自
廣人豈助於吾德斯好善之一心兮實致治之大

務邇可遠兮在茲莅天下而有裕原一人之方寸
兮本智慮之有限束聞見於咫尺兮識豈及於幽
遠彼四海之博大兮固衆善之無窮夫豈曰不足
之在人兮護有餘於吾躬矧已長之難恃抑取善
之多術宜喜善而用直兮要汲汲如不及肆君子
之知務兮恒念茲而彌篤奚滿假以自足要以好
夫人善若已有而有容好之勤兮不倦知蓄德之
有自兮翕衆美於一已亦如渴之有誠兮來彼善
於千里心既切於樂取人詎憚於忠告非善言之
自至兮由我心之所好茲十朋之駢臻認萬善之

攸集始捨已而從人竟成務而開物擴此善之大
用兮措世道於雍穆推一心之所得兮置萬民於
戩穀噫天賦以至理兮本有善而無惡維民心之
不齊兮惟以善而可服固收效於不勞兮同風草
之孔速茲推化於率普有餘裕兮綽綽仰前聖之
為政兮慮嘉言之或伏懿大舜若決江河兮致允
鑿於庶績美神禹聞善則拜兮暨聲教於遠域何
後世之拒人兮習已痼於媚嫉謂彼人莫已若兮
施詭詭於聲色遠忠諒而近諂諛兮寧一善之或
得勢必及於胥溺尚何治之能淑幸我 聖之克

明乎惟主善以為師真以聖而益聖雖芻蕘而不遺然人心不敬則或怠乎願終始乎如一安得以孟氏之格言庶啓沃乎前席也哉

表

擬唐陸贄請下罪己詔表 廷試魁

威天下不以兵革方軫推化之誠感人心要在仁言宜降責躬之詔肆當播越之際敢陳綏輯之方欽惟舞趨兩階歌騰七德方潛邸撫軍之日坐看朝義之就誅暨即祚弘化之辰誓復祖宗之舊域衆皆改惡而歸順孰有干紀而執迷頃緣國步之

多艱馴致逆豎之倡亂擁據河湟之衆庶始稔割地之謀締結魏博之羣兇終肆射天之惡氛浸結於近甸清蹕少避於一隅奉天之狐裘蒙戎艱窘不啻於巴蜀洛陽之兵火慘酷兇逆實甚於董素矧衆心繹騷而起疑而國勢渙散而孔棘廟堂籌畫之已竭竟無戡亂之期霄旰經度之雖勤未收綏靖之效爰思制變之良策莫若播告於吾民反一已而追愆著悔念於宸札矜萬民而若保播仁聲於寰區况民性本有良心而玉言出自真實衆心率皆感惠豈有犯化之人一言足以興邦丕

聞變惡之美是所謂遠敵辰告孰不曰開心見誠
斯討賊之大機奚降詔之可忽伏望諒臣憂國之
懇許臣靖亂之猷法楚昭之善言用消禍亂體成
湯之罪已以慰黔黎則父老起扶杖之歡猾賊有
縛面之志河外除夢靡之變宇宙清寧舟中無敵
國之虞邊鎮靜謐謹當夙夜匪懈終始永肩可愛
非君子庶盡匡救之策欲忠者國耳期竭拾遺之
忱

拙翁集卷之五

